

宛丘先生文集卷第六十九

書錄

張耒 文潛

墓誌

吴天常墓誌

公諱天常字希全河南府洛陽人惟吴氏之先與周同姓至越入吴子孫散居四方以國為氏公自祖考始占籍河南之洛陽公少貧不治生以氣節自許力學問河南大府號多士而公自少已知名里中而舅建寧軍節度使王正倫深器之以正倫死事恩為郊社齋即調濮陽縣主簿又調舒州司法叅軍郡大猾

章氏教犯法繫獄其勢能得于有司公論正其罪流
之一郡畏伏遷泗州盱眙縣令守筓病人死公當覆
驗而前驗官言死者不病公將直之守以利啗公欲
得如前驗公謝守曰我受公恩固善如死者恨何卒
直之守為得罪知洪州奉新縣奉新號難治訟者或
先以丁貫其足以脅有司公畫巨丁於市令之曰丁
必如此則受訟俗乃稍變知彭州永昌縣轉運使范
公純仁深知公是時方變差科為免役錢公原究蜀
後法利害講之至精後以書見王荊公荊公召公議
于司農寺時欲舉江西役法行于蜀公曰蜀不足于

地江西不足于民利害異宜恐不可行者主是公議
久之公所陳浸忤遂罷歸審官院調簽書鎮南軍節
度判官丁母憂服除以便親調蘄州蘄口鎮都大監
轄俄丁父憂服除通判無為軍公諷軍守興庠序勉
士以學部有磬池官專利民多冒禁公為立法公私
便之而犯者鮮改通判鼎州以朝命按知誠州周世
隆帥司部使者皆欲致世隆于罪公言世隆習蠻事
且未嘗有罪論執甚堅卒免世隆人以為難辰州有
軍事以公攝守公之官見屬縣吏部夫千餘挽木山
間公曰方春役民妨農耕悉罷之公至郡蠻酋繫獄

者公諭以朝廷德意盡遣之皆感泣而去公因言自誠州抵融州道新通請每三十里建一佛寺擇僧知蠻情者居之諸蠻信佛平時可使入蠻與之習熟有警可用以間諜而佛舍可因儲糧其利邊甚大朝廷許之后為諫官丁騫言不當廢誠州為軍頃蠻所以叛者蓋雖輸款而未嘗去巢穴一失拊循則亂稍內徙則定矣雖不致州尚可安事廢州乎是時方議役法有訪公者公陳三事以謂州縣之役莫重于衙前今雖易雇為差衙前數之多寡與役之優重請守熙寧元豐之舊毋輒改又言鄉差手分類不知書計

勢必雇人代役其代者必要厚價請官為立儲直又言縣所積免役錢請皆納州或輸旁郡戶部皆奏行之用薦者除知宿州時荆門新復軍擇守乃以公為知軍宰相召公都堂諭以擇才之意軍久廢百事圯毀公至為興起獎敗必使完好可持久不為苟且計人至今頌之俄知沅州其去荆門人為立祠歲時父老率子弟拜之公既習知蠻情其治沅務安靜嚴守備撫溪獠久之奏請出巡視邊防軍行有告帳下謀變者公獨保其不然罪告者卒如公言又檄諸縣寨使察游民與蠻交易為嚮道者捕之俄復知辰州公

去沅如去荆門而辰之吏民與蠻酋皆相賀曰我公復來矣蠻相約無犯邊郡為無警辰民春夏多疫公飭醫工親視藥物人賴以全甚衆乃立學校勸以讀書人皆服從風俗為變朝廷既知公有功南邊將用之矣以病求告卜居蘄州金沙溪上家藏書萬卷有以自樂泰然也公喜讀書于書無所不觀自少至老未嘗一日廢卷至其閑居好之尤篤有詩集三卷奏議三卷紹聖四年八月六日以疾卒預治終事至屬續精爽不亂享年六十有二公曾祖延慶祖諱澤皆不仕考諱英以公登朝恩授大理評事累贈朝議大

夫三男子長忱太廟齋郎仲惇未官季悟假承務郎皆以進士知名三女長嫁萬載縣令黃公孺次嫁進士胡世南季嫁寧州錄事叅軍譚康世公自濮陽縣主簿積官至朝奉大夫積勲至柱國公為人厚重寬博達于為吏官無大小所臨必有績當其有所建立必得所欲而后已或以利害怵之不顧也其仕宦多往來南邊故深知溪洞諸蠻所以治亂有所措置后不能易然考其大體本于安靜寬簡不為苛擾而頗立隄防明條教期無亂而已不徼有功也君子韙之公少嘗從丁寶臣學寶臣異其才薦于歐陽文忠文

忠稱焉既仕則不苟取知于人而一時賢公卿咸知之獨吳正憲知之尤深而公自重不輕就人故雖知之不絕出力而公之才見于世者如此而已也其孤將以元符元年八月二十有一日葬公于蘄州蘄春縣安平鄉黎企里於先夫人之兆而合焉夫人程氏有賢行封文安縣君前公二年卒云銘曰
其直非以為訐其和非以為悅也獨盡力于為吏無劇易必達也其至民以為賜其去以為奪也既或知之矣乃揜而不發也進書而退果而后知公之節也安平之丘公藏惟初尚詔后人洛陽之吳也

潘奉議墓誌

齊安有君子曰潘昌言其學正也其言也文其家居篤於孝悌其為吏清修刻苦而為政本于惠下愛民至大吏勢力能寒熱人者必與較義理一毫不為屈其為人務內而簡外信已而不求人知而人之知者皆感服焉嗚呼君子哉蓋紹聖丁丑歲某得罪謫官于齊安自幸得從君游既至而君病矣無幾何而卒實元符元年十月某日也齊安之君子皆相弔已而又曰潘君之墓宜有銘矣咸以銘事屬其素高君之義用不復辭立其家哭之求其世家歷

官行事于其子大臨而次叙之曰潘氏在唐為榮陽人當僖宗時有名季荀者仕為太僕卿官于福州避亂因家焉季荀之弟曰季翔為太子司議郎季翔后二世生吉甫從吳越入朝終國子博士累贈工部侍郎侍郎生衢為屯田郎中屯官嘗官于黃遂居之屯田生處士革隱德不仕君諱鯁字昌言處士長子也生而雋警絕人為兒時賦詩已有奇語聞有周希孟者博學篤行之士也君從之學希孟以謂盡已之道君居鄉里以經教授聚徒常百餘人后進皆師尊之登元豐己未進士第初調蘄水縣尉遷和州防禦推

官知江州瑞昌縣監楚州都監倉吉州軍事推官改宣德郎監漢陽軍酒稅遂以奉議郎致仕卒年六十三蘄水民有以華為獻者君一嗅而還之曰受賜多矣其廉節率類是江州賦屬縣鬻建茶太守問君瑞昌歲可售若干公曰四斤耳守驚詰其說君曰縣小民貧米鹽猶不足而暇及茶乎獨縣僚四人、一斤可矣守悟以故諸縣皆得無多售而旁郡有賣千斤者後七年君以事過瑞昌有兩民拜馬前其一曰異時君為縣我訟得直其一曰異時君刑我當罪我心服是以偕來君之為吏得民舉如是也元祐救民負

官錢無姦者悉免之吉州通判攝守事乃悉下負者于獄將鞫其姦君曰赦欲寬之而君故獄之耶執不可民乃得免尅泉令捕得私酒三十家將上府君謂令曰是法皆當徙龍泉小邑一日徙三十人君為令安乎令乃頗減出之嗚呼其歷官微而見于行事者寡矣然其修身治人立心操術亦可槩見矣向使之得富貴立朝廷據位操柄以行其義達其道其不貪利苟得如還蘄水之華其忤上愛下如鬻瑞昌之茶民甘其罰如瑞昌之拜者則雖古之君子無以加分寸于此矣有集三十卷曰春秋斷義者十二卷講義

者一十五卷易要義者三卷致仕時家無一金骨肉衣食僅給而君蕭然病臥一榻口不及俗事時與其子清言而已娶何氏有賢行男二人曰大臨曰大觀皆力學有文一女嫁進士羅啓宗四孫其一男也曰憲以某年某月某日葬某縣某鄉某原銘曰白璧芳蘭包以九襲長于外者千萬而一莫為出之卒殞無施嗚呼昌言不幸類茲致美在哀不耀于肌豈人是謀謂天實知黃崗之原松柏其倚我相后人將獲其蓄

福昌縣君杜氏墓誌

某先君之執友曰長沙李公夫人諱竦與先君生同年其應舉得官游宦四方禍福淹速多相似也某為兒童時兩侍先君遇公于京師其出入游處必相與偕其議論談笑率常自旦至夕繼之以夜其僕役至憊苦不能支而兩公未嘗倦某時竊聽之則其是非好惡十常同八九已而別去則兩家之書問必以時至蓋李公之與人其顛倒笑言若無不可而于節義廉耻之際其彊禦甚嚴且固也先公前且十年歿公而公晚稍被任使屢使諸部卒以無所附離不大振顯也元符二年某得罪謫官黃州而公之子廷老寓

書狀以其母杜夫人之行來求銘其墓蓋后公之卒又十餘年矣嗚呼先君同時之人盡矣昔之兒曹皆已斑白矣而某又得罪聖世幽憂無聊不得齒于平人其閱人之盛衰在亡未嘗不動心悲懷不能自己其尚忍聞其不幸而銘其墓哉雖然不可已也姑次序其狀夫人洪州人天章閣待制諱杞之女天章在仁宗時號有風力名臣夫人生貴家自幼嚴飭好禮不妄笑語天章公為擇對久之乃以婦李公而姑朱夫人老且病又素剛人少能中其意而夫人在旁輒歡公之弟妹未婚姻者夫人斥所有為成之無所愛

也李公素貧不治生事夫人為均節其有以濟由
此李公之仕宦得以直已行義而不累于私以李公
登朝恩封某縣君既寡居乃歸心于佛奉其教讀其
書若有得焉紹聖五年十二月二十八日終于其子
道州司法叅軍楚老之官舍年七十曾祖某：官祖
某：官二男長廷老衡州衡陽令次楚老四女嫁太
學博士虞貴福建轉運判官檀宗旦大理正張近衡
陽縣令閔沅孫男女凡十有六以元符二年十月葬
夫人于荆門軍長林縣白楊鄉李公之墓銘曰
惟婦之德順以莊既莊而和順以方夫人蹈此有耿

光而享不豐后其昌

李叅軍墓誌

公諱處道字深之吾先君子之友也自言系出唐太
宗皇帝五代時有諱澄者嘗為梁使閩遂留居福之
連江故今為福唐人公性剛特耿介不羣少孤貧自
力學問記覽淹博工于文詞未少時猶及見其賦篇
其文瞻麗雄放屬比精切五舉于鄉中治平四年進
士第初調陳州南頓尉更成州同谷處州縉雲泉州
德化令建州浦城丞南雄州始興令最後為興國軍
錄事叅軍以卒令同谷時公與轉運使厚善知州孫

京不法欲因公自託公不可京怒所以招公萬方卒無所得然猶以公坐免縉雲有女子徐自號菩薩家有井詭言能治病趙清憲守杭亦信之嘗求其水由此羣無賴為倡說聲動數州所居成市公怒捕徐杖之塞其井清憲初聞之大驚無幾何徐氏生子遂皆服福建轉運使賈青繫福州衙前數輩劾其盜官益以賊必欲論死獄成不引伏公令德化以獄屬公：緩其獄竟青去部卒出之始公知其寃欲直之既而思曰直之則青怒必以怒他付誰不畏青者則此數人無類矣始緩之而覲其去卒如公計焉浦城民有

自稱徐偃王之神頌動衆公捕械繫之民初不懼猶陳說鬼怪一邑惑之公以寘于法始興嶺外小邑前令多以富婦公罷無南中一物束書而還始興人至今道之其在興國公已老且倦游矣猶力治曹事無所苟數年反重囚得免死者甚衆罷官而子援為鄂州武昌尉迎養公于官卒年七十五公性純孝信厚不違事其親每忌日則涕泣感慕戚見于色撫兄弟之孤過已子平居雖與僕妾語必誠必信既老且病猶不廢書時：與賓客飲酒賦詩其詩句甚工然多悲壯感慨聞者哀之有文集十卷藏于家先娶林氏

繼室龔氏先公二年卒三男子據援抗據早卒抗援皆有文行援舉進士中第矣三女嫁趙僕何頡陳任五孫其二男也以某年某月某日葬公武昌樊山之原舉二夫人祔焉曾祖郁故贈虞部員外郎祖玠故贈工部員外郎父餘慶故贈屯田郎中始公與其兄載之皆友未之先人皆友也未嘗從公于姑蘓之學官故公之子姝往：獲交焉諸孤以銘屬我宜也銘曰

堯理之后氏李子唐宗赫：自成紀惟澄胄出貞觀帝使闕不歸連江沚倚歎深之文有匪內懷剛方志

孔偉六遷州縣臨輒靡力抗豺虎傲牙齒讞疑伸枉脫垂死械神鞭佛破訛詭彼民于我父母視我有甚富見無幾豈其愛之莫吾以樊山之臧非其昌后望武昌自公始

王夫人墓誌

夫人王氏曾祖沔事太宗真宗為執政號名臣祖睦尚書司勳員外郎父乙尚書庫部員外郎庫部主簿于咸平時夫人年十六丞相晏元憲聞其賢為子虞部君娶之夫人家中微起嬪相門能以禮自持接上下有則堂無姑夫人宰家事內外無不允者元憲嘗

曰吾無憂矣夫人寬裕而好禮簡儉而樂施夫族有負市易錢百萬者夫人為出所有償之次子方提孩伯父以為己子奏得官后伯父失官子未其官夫人曰吾子可教取補牒還之以虞部外朝封壽安縣君又以長子恩改封崇德縣太君而元憲夢時仁宗臨奠面賜冠帔生三子長某朝散郎次藻先夫人卒季經左班殿直監黃州酒樂善好學敏于為吏職從予游甚善也方夫人疾革經嘗割股肉以進三女長嫁某人次嫁某人孫男十一人王氏舊為霸州文安人自司勳始居開封之咸平今為咸平人以某年某月

葬潁昌陽翟舊學鄉舍於虞部之墓經求銘于予銘曰
隱而聞于顯微而立于貴吾何為哉終始吾義有子而孝歸從其良儀尔山川德音不忘

吳大夫墓誌

公吳氏諱 字德仁龍圖閣學士贈太尉諱遵路之子也太尉為時名臣公少以父任補太廟齋郎年四十六以虞部員外郎知柳州官罷歸京師即上書請致仕方是時上自執政大臣下至搢紳士大夫凡知公者相與出力挽留之不聽蓋始聞而驚已而皆

歎伏以為不及可相率賦詩飲餞于都門公既謝仕
歸蘄春有薄田僅給伏臘公臨溪築室種花釀酒家
事付子弟一不問賓客有至者不問賢愚貴賤與之
飲酒必盡醉公或醉臥花間客去公亦不問也客有
臧否人物公不鼎一語但左右行酒客不得卒語人
皆愛其樂易而敬其高允見公者皆欣然忘其鄙吝
焉嘗有貴客過公而飲公酒酣而歌以樂器叩其頭
為節客亦不以為忤其放誕乃如是平生視財物如
糞土未嘗與人較多寡太尉薨時妹其壻輒以家錢
數百千貸人其人不能償公哀之曰是人有母聞此

將重其憂乃召其人諭之焚其券嘗有客為公治田
事二十年謝去見公欲計之公取前后文書示之乃
未嘗發封盜夜入其家公覺之不問盜且取其被公
謂盜曰室中惟所欲天寒幸舍吾被凡見公外者徒
知其真率曠達至究觀古今治亂成敗人物之賢否
臧否其中了然甚察也其積官自太廟齋郎至朝奉
大夫勳至護軍賜至三品服歷官自監西京竹木務
簽書判官廳公事判南監真州榷貨務通判池州黃
州乃知柳州其治官主于忠信仁厚故所至有稱哲
宗朝有薦公者詔落致仕赴闕而公堅臥不起卒年

八十四崇寧三年四月十一日也初公感疾即閉閣謝藥物至屬纊不亂或言公少遇異人服其藥故壽而康寧亦其潛德美行不究其位故下享其報如此公娶張氏繼室李氏封德清縣君三男子曰禧早卒曰外曰奕皆舉進士四女徐暨張之儀徐閱胥彥博其壻也是歲七月某日葬公蘄春縣永福鄉新安里芙蓉山以李夫人祔焉曾祖諱文大理司直祖諱叔尚書職方員外郎秘閣校理贈尚書右丞外匍匐乞銘于譙郡張耒：熟公之名迹且愛慕之無窮則銘之也實宜銘曰

吳公出延陵以國為氏而始居京師者自司直君：老于蘄今其子孫遂家蘄春嗚呼德仁夢幻斯世蘧廬其身寓百年于一醉兮不以萬物易吾之真人何足以知之抱所有以減泯殆古所謂得道逍遙御風騎氣之人歟

晁无咎墓誌

惟晁氏自漢御史大夫錯而后不能識其出國初為清豐人真宗皇帝時有諱迥者為翰林學士承旨謚文元始徙居開封或居鉅野迥之子諱宗慤為叅知政事謚文莊又三世而生公其諱宗簡贈特進吏部

尚書者為皇曾祖諱仲偃尚書庫部員外郎者為皇祖考諱端友贈左朝散大夫者為皇考公諱補之字無咎幼豪邁英爽不羣七歲能屬文日誦千言年十三從王安國于常州學官安國名重天下于后進少許可一見公大奇之公從皇考于杭之新城公覽觀錢塘人物之盛麗山川之秀異為之作文以志之名曰七述今端明蘓公軾通判杭州蘓公蜀人悅杭之美而思有賦焉公謁見蘓公出七述公讀之歎曰吾可以閣筆矣蘓公以文章名一時士爭歸之得一言足以自重而延譽公如不及至屈輩行與公交由此

公名藉基于士大夫間舉進士禮部別試第一而考官謂其文辭近世未有遂以進御神宗見之曰是深于經可革浮薄于是名重一時遂中第調澶州司戶叅軍召試學官時試者累百而所取五人公中其選除北京國子監教授又為衛州教授未行除太學正哲宗即位右丞李清臣舉公館職召試學士院除秘書省正字俄遷校書郎以親老求補外除秘閣校理通判揚州有逃卒用貨得戶部判至淮南理逋負公辨其姦事既決一府不敢欺召為著作佐郎又遷秘書丞又遷著作郎官制檢討官于是公為秘書省官

十五年矣而怡靜樂道未嘗近權要士論高之遂知齊州境有羣盜白晝掠塗人公默得其姓名囊橐皆審一日因宴客召捕吏以方畧授之酒行未終悉擒而還一府大驚郡為無警歲飢河北民流道齊境不絕公請粟于朝得萬斛乃為流者治舍次具器用人既集則又為具糜粥藥物公皆躬臨治之凡活數千人又擇高原以葬死者男女異墟使者頗媚其功欲有以撓之既至境視乃更歎服紹聖元年朝廷治黨公亦坐累降通判應天府以親嫌通判亳州復落職監處州酒務中途丁母憂毀瘠幾不勝喪服除

監信州酒公治職事甚力了無遷謫意今上即位移簽書武寧軍節度判官賜緋衣銀魚尋復通判河中府未行召為著作佐郎俄遷尚書吏部員外郎除哲宗實錄院檢討官改禮部郎中又改神宗國史編修官公皆以非才辭避再三不允又力請外官復留以為吏部郎中異日事有留滯無究治者吏緣為姦嘗有嶺外尉捕獲盜八人法當改官而考功謂獲盜不同處曲沮欲壞其賞吏持之不決尉客京師久窘甚詣公懇之公憫然曰當奏即為上之七日而得遷官于是吏畏服部無留事俄除知河中府郡當大河扼

三門有浮梁久且壞公視事亟欲營繕有司難之公乃預為鳩材既集則為規畫一日而成城中歡呼民為畫像立祠徙知湖州其治如河中又徙知密州猶用前累送吏部授知果州不行因得管勾江州太觀又改管勾西京嵩平山崇福宮又管勾南京鴻慶宮居鄉閭以學行為鄉人所敬而尤好晉陶淵明之為人其居室廬園取悉取陶淵明歸去來詞以名之其講學至老不廢大觀四年日近制詣部授知達州未行擢知泗州到官無幾何以疾卒年五十八公于文章蓋其天性讀書不過一再終身不忘自少為文即

即追考左氏戰國策太史公班固楊雄劉向屈原宋玉韓愈柳宗元之作但駕而力鞭之務與之齊而後已其凌麗奇卓出于天才非醞釀而成者自韓愈已還蓋不足道也性剛且果敢勇于為義其事親友兄弟睦姻族有人所不能為者家素貧先大夫沒時有女未嫁者五人公力貧營辦皆以時嫁為士人妻與人交無隱情見事有不當于義者必直告之而受人之盡言亦未嘗愠也公既于書內外無所不觀下至于陰陽術數皆研極其妙其禍福往來先言之卒之夕有大星殞于州廨之燕寢人驚視之公已奄然矣

公少好讀莊老書通其說既自以為未至學于佛而求之其心泰然若有得也及屬續精爽不亂娶戶部侍郎杜純之女治家教子皆有法封永嘉縣君男二人公為公似女二人長適梁頤吉次尚幼有文集及著作若干卷其孤以某年月日葬公任城縣呂村之原從先大夫之兆未與公兄弟交故其孤來乞銘曰

矯：家令以身殉國文元雍：為時俊德凜：无咎繼起有赫束髮墳史白首翰墨追古作者蹈藉陵蹶氣戛星斗聲韻金石不施于邦祗自藻澤人一之難公易千百我原其文惟質之淳孝愛忠信施及鄉人是獨何虧一仆莫振車堅馬良不得出門將昌其聲而嗇其身嗚呼無咎萬世之聞

宛丘先生文集卷第六十九

宛丘先生文集卷第七十

張耒 文潛

墓誌

田奉議墓誌

君諱君度字唐公亳州鹿邑人曾祖諱某官祖某
某官父諱京終天章閣待制贈司徒司寇慷慨以功
名自任嘗提點河北刑獄貝州妖賊王則據城叛司
徒聞變縋城夜出集兵天明王則驅司徒妻子上城
欲以招司徒司徒望見引弓射之中其子示士卒無
異意時見者為下泣余舊居宛丘司徒歿已久見其

諸子皆豪俠倜儻以氣雄里中而君司徒季子也獨循：儒者居家以遜弟稱與人行：和樂也以司徒恩守將作監主簿積官至奉議郎賜五品服積勲至驍騎尉嘗監陳留酒蔡州稅京通津門簽書曹州判官廳公事監在京粳米上第一界君治官不苟且所建立有可觀者長吏多薦之其監米界也年四十有四矣一日易衣通見其故人親戚口雖不言意若與訣者未還得疾及舍而卒吁亦異矣君娶王氏封某縣：君男八人三女子長嫁龔丘縣尉王令淳餘幼也將以某月日葬君某縣某鄉而余表兄李文饒以

君狀來請銘其墓銘曰

司徒拒反虜引弓射其子以所愛易義其忠壯如此後當有興者君淑乃早世天獨嗇之耶卜其後有祉

崔君墓誌

君崔氏諱保孫字祖德許人也以其舅程康穆公恩試將作監主簿年二十有四居父喪以毀卒曾祖某贈工部尚書祖某贈禮部尚書父某贈中大夫夫人范氏今樞密高平范公之女二男子曰履應天府宋城縣尉曰漸舉進士其孤以某年月日葬君與范夫人于鄭州新鄭縣某鄉清河張耒實銘之銘曰

惟崔氏邠陵人遷于許禮部君：為兒卓不羣長好禮恭篤慎不玩友妻如賓居暮喪戚斯文服其服徹俎尊或止之君不忽世禮襄半以存唯齊斬僅不泯克守古君幾仁讀詩書志本根曰吾學可設陳嗟奮生耀浮文韓忠獻世大人謂君賢崔其振高平公譽毀信自君少以子嬪謂崔氏是駒駿孰與之幼而聞孰奪之冠而隕藏千萬不一陳其或者在子孫

李夫人墓誌

故大理寺丞王君諱恁之夫人李氏真定人也司空贈尚書令韓國公謚文正諱昉之曾孫金部員外郎

贈禮部尚書諱宗諒之孫工部郎中天章閣待制贈太尉諱昭邁之子也夫人年十有八歸大理君性淳孝敏靜其事舅姑能先意集事飲食衣服非經其手不以薦而舅姑亦曰非新婦所為吾食不甘服不安也宗黨相教以為法夫人之是與其從弟同時拜天章閣待制從弟家治黃金帶為燕服夫人顧舅家貧不可得悉其匱中物易金作帶藏之待制出守陝州盛服燕客夫人出帶使大理君獻之而家人初不知與其夫處如賓客骨肉有至不必面規切之退則更譽其善故聞者信而不怨大理君通判夔州卒于官

一男始生夫人獨護其喪還京師道峽中舟敗舟人捨舟而逃夫人正色叱之命取樞挈兒以免然家無長男子道遠從者慢夫人輒能言之官府鞭罰之以寡婦行艱危數千里無敗事而內外始知其才非獨辨婦人常職而已也既寡居杜門雖父母家至有時留之宿不可曰吾非間吾親願年少子幼理可畏也子長躬教督之慈而不驕子以有立今丞相范公之配英國夫人大理君之妹也英國幼時得危疾久未平夫人晝夜調護有恩意英國歲時躬省勞之良厚以相府恩錫夫人命服元祐四年夫人年七十矣

得疾不肯御藥物家人固勸之夫人曰吾無不足者又獲託死于英國求生何待也左右趣為我沐浴更衣遂卒五月二十四日也一男曰約宣德郎四女長嫁陞州錄事叅軍劉損次嫁奉議郎權通判火山軍葛繁次蚤卒次嫁殿中丞鍾離景圭前卒是歲六月七日合葬夫人于開封府開封縣大邊村之原大理君之墓譙郡張耒曰嘗讀太史公書見其為滑稽日者作傳而不著列女孔子叙詩首閔睢者后妃之德夫女德王化之本也豈小補哉願隱沒不稱而賢賤士末術于勸善未至也惟夫人之德之才其于死生

之際蓋知之矣此士大夫之所難而可以無傳乎於其葬也而銘之曰
有夭其華既葉既實既藉既伏而以始卒諫良窾吉殯夫子穴是謂大畢

張夫人墓誌

中散楊公諱希賢夫人張氏亳州譙縣人贈禮部尚書諱成之曾孫禮部侍郎諱傳之孫贈太常博士諱彭之女也夫人秀美惠和女工精巧絕人治內外宗族無與比早孤母燕夫人篤愛之曰有男子如吾女者乃以歸之媒妁日走門燕夫人輒揮之曰吾女非

若輩偶時中散公與夫人之叔為寮來請婚燕夫人素聞中散公賢又竊奇其狀貌為有福祿者曰是足以當吾女矣遂歸中散公夫人既歸楊氏其宗族敬愛之如一夫人仁愛慈淑出天性柔聲怡色無絲毫忤人意其于妬忌生不知有也年尚少已能淡薄齋戒奉浮屠法不治婦女玩好年三十六歲疾少間召其家人婢妾環坐酌酒飲之勸撫之如他時皆喜曰吾夫人疾且起俄而正衣起坐家人驚問之已卒矣後二十七年當元祐三年而中散公卒諸孤迎夫人之柩于京師是歲九月丁卯合葬鄭州管城縣懷恩

鄉神崧里先塋之次始以中散公登朝恩封壽昌縣君追封清河郡君子四人彥真彥齡皆宣德郎彥臣慈州吉鄉縣令彥章絳州太平縣尉五女長嫁左班殿直李祐次嫁左藏副使曹譜次嫁朝奉郎程復次嫁大名府魏縣主簿王需次嫁河南府登封縣尉李昂孫八人長達次邁皆太廟齋郎餘尚幼夫人于未為從姑故諸孤屬之銘曰
擇所宜從初艱其歸既逢其良身先之萎匪謀不臧天實戾之於穆夫人令德婉婉物皆怛終獨裕其迓惟昔弱子衣冠頎頎逾二十年以喪西歸鮮原靡

從于君子有蕃其承視此松梓

王仲孺墓誌

河南王雯者齒少篤于自修好學而能文余聞之而未見也紹聖四年余以罪戾謫官齊安一日有客墨衰造門視其謁雯也見余則泣而言曰先君與子舊矣雯不幸既孤將葬而無詞以刻先君之墓敢以是屬諸子某曰余嘗見朝奉君子于京師其深者某之陋所不敢知而其粗與夫衆所譽者竊聞之矣不曰篤躬好學而廉儉者歟敏于為吏愛民徇公直已不撓於權者歟然其人厚于實而薄于名豐內而廉外世

原缺頁
計百七
十字

張氏文集
之君子未必知之余嘗辱聞焉則屬銘于我固宜謹

有愛其民既去十年見之
如親實其耆老以謂子孫民居寢達使者議毀君紆
其苛一道是賴安邑賈益民富悍豪君教之學獎禮
其髦孝秀聿興鄙薄滋消西民餽師履產輸泉君力
弛之鰥寡用安令溫治盜曰姑安之勿浚其姦吏逸
民嬉盜悔而耕厥壤大滋邑豪坐獄重賂而逸君以

奇購唾手則獲君之去温其民涕流耆老百千聲言于朝惟河内温邑聯部異河内有請假君决事后守德州河溢而鶩羈民流殍所活萬數伍長悍驕其將笞之長以衆逃斥將之疵君謂長叛首寘于罪貸將不問境為無事一時持權爭欲用君勉之比周君為不聞云何不淑五十而債君凡三娶皆有婦道粵初氏楊其父曰造繼李父周學士集賢今夫人陳姻黨稱焉劉時張闈又揚克中壻其三子惟德之同君三男子惟雯在耳進士登科甚飭而藝陶牙之原鬱乎松楸乘者下之君子之丘

符夫人墓誌

夫人符氏南海番禺人曾祖：為布衣父臻虔州司法叅軍年二十嫁故大理寺丞陳君世則寺丞叅知政事諱恕之孫贈金紫光祿大夫諱執禮之子夫人歸陳氏陳氏族素貴夫人起寒家以禮奉順莫或敢以貴臨之寺丞君宦坎珂家徒四壁立夫人安之內外忘其貧性寬仁無怨惡撫異出子如巳子子男四人鼎萬萬孫四人鼎與余同學宛丘是時鼎叔為郡要官而鼎刻苦自同諸生窮冬積雪寒坐一室杜門諷誦不輟余竊賢之而考其淵源固已知其親之

賢也今年冬鼎以書來云夫人沒矣將葬于池州青山之南原而屬余銘狀其行事如此其不誣矣夫夫人年七十其葬實紹聖二年正月己酉銘曰
自微嬪貴儼弗陵從夫于艱順以承考終同穴如平生子孝而賢以有銘

傳

任青傳

任青壽春人少無賴為盜以智數雄其黨有聲羣盜中然青為盜不多殺害為濟所欲不多求稍有以賢其類矣里僧有善馱其直數萬錢僧愛之所以圍備

之甚固盜數取之不得于是里少年聚數萬錢邀青曰子能得馱則請以錢為君壽不能得君妄得名也青笑謝少年辭不能少年固強之青曰其飲夜半吾乘馱來詣君矣雖然願以是為戲卒事請以馱還僧少年曰諾夜半青懷刀趨其垣入僧繫馱房外鎖馱前足無可解理青即解刀微刺馱足間見血以刀擊地跑者久之僧聞使童疾走蚋視馱青疾起匿童即語鎖馱馱足流血矣僧即取鑰命童解鎖童去寢熟青即牽馱自出門出疾驅而至少年所一坐大驚明日乃使謝僧還馱曰吾以為戲願勿罪也其多智類

率如此後稍聚黨罪過數發吏捕逐不得聞朝廷詔使招出之青即自詣壽春詔以捕卒太守使捕郡中盜往輒得境為無盜以勞稍遷等後數得尤賊詔授官至右侍禁元豐三年河南伊陽賊張宴聚黨抄掠傷吏士朝廷選青為伊陽巡檢五年盜劫伊陽之小水青追盜至福昌余因見之青六尺餘慷慨勇敢持刀入山獨行二百餘里以一昔往反然貌恂：謙恭事士大夫甚謹惟恐不當其意居官小心畏法廉潔御下有恩其語捕盜甚有方畧云先是朝廷興師取靈州陝西轉運使李察當領從大將高遵裕軍出塞察與青有舊恩奏辟青從行遵裕軍疾驅入塞察數危窘矣青夜守察夜則被甲守其寢撫左右得其歡心察卒賴以全者青之力也張子曰青始強暴為盜賊後乃折節士大夫或媿焉其始蓋無有教之者故也夫中道為善猶不失為士况終始于善者哉然青才有過人者彼雖為盜固有以自異也

竹夫人傳

夫人竹氏其族本出于渭上往：散居南山中後見滅于匠氏武帝時因緣得食上林中以高節聞元狩中上避暑甘泉宮自衛皇后已下後宮美人千餘人

從上謂皇后等曰吾非不愛若：等顧無以益我吾
思得踈通而善良有節而不隱者親焉于是皇后等
謝曰妾得與陛下親沾渥多矣而不能有以風陛下
罪萬死于是共薦竹氏上使將作大匠銘拜竹氏職
為夫人既進見夫人衣綠衣黃中單上笑曰所謂綠
衣黃裏者初夫人家久見滅上曰爾滅公之餘也夫
人謝曰妾之滅亦大矣然夫人未嘗自屈體就帝：
每左右擁持之上有所感時召幸後宮寵姬而夫人
常在側若無見焉而諸幸姬等皆相謂曰是所謂善
良者安能間吾寵由是莫有妬之者是時上方郊五

時祠太一以致神仙率常齋戒自祓除而每召夫人
有所游幸諸將軍幸臣等更為帝携抱夫人以從帝
亦不疑也上幸汾陰祠后土濟汾水飲羣臣作秋風
詞歸未央坐溫室夫自人此寵少衰上謂夫人曰而
第歸善自安明年夏吾召君矣明年夏果復召夫人
夫人見上中不能無小妬由是罷之而遣將作大匠
選于它竹氏使加職焉夫人居後宮至孝成皇帝時
猶無恙是時班婕妤失寵作紈扇詩凡怨夫人讀之
曰吾與若類也然尔猶得居篋笥乎至王莽敗漢軍
焚未央夫人猶自力出然遂焚之

宛丘先生文集卷第七十

宛丘先生文集卷第七十一

張耒 文潛

同文唱和

詩呈同院諸公

鄧忠臣

秋日同文館多朋信可依
慧鶯還伴鎖巧燕自知歸
藻鑑由來定翹材未覺稀
賢書早晚拭目看珠璣

又

秋日同文館朝暉淡
光聚蚊喧敗帳飛
蝠入雕梁香散青綾被
詩翻古錦囊
郡居有英彥晤語興何長

又

秋日同文館虛廊日幾回浮花出林杪古樾蔽城隈
遠笛悲仍壯幽禽去又来微吟還自喜共和有清才

余幹

秋日同文館官寮許暫依衛軒留鶴在楚澤滯鴻歸
木選山中勝珍求世上稀清時方物貢寧在篋中璣

又

秋日同文館興賢道與光雄奇思汝穎浮巧笑齊梁

綠醕傾蛆甕青燈拆米囊罌粟亦名米囊雅談揮玉麈未厭

漏更長

秋日同文館掄才又一回榷枿輸海徼金玉振岩隈

富贍看先達清新畏後來百朋行可錫所樂在多才

耿南仲

秋日同文館閑無一事依闔羊誰得雋倦鳥各思歸
寢處還相向過從不患稀何當有星聚誰為問璇璣

又

秋日同文館衰然觀國光泗濱何限磬岱麓易求梁
劍氣頻衝斗錐鋒定出囊於余慙拙匠操尺預量長

又

秋日同文館新涼逐雨回棘垣嬰吏局蕙帳憶山隈
射為巧狙發田因文豹来西城隨分鎖夫我室多才

商倚

秋日同文館羣賢道足依心游黃卷靜日送白雲歸
寶玉荆山盡文星禁掖稀館閣諸公多集于此清談欣屢接紛
若落瓊璣

秋日同文館雲沉夕照光蛩吟塔下草螢照屋間梁
卧月搜詩句挑燈認藥囊夜闌獨衾枕歸夢楚山長

又

秋日同文館愁腸夜九回圖書堆枕畔歌吟隔牆隈
宿鳥翻枝去涼風帶雨來詩新勞見寄難繼謫仙才

倚

秋日同文館羣書畫可依衰遲多病在留滯故園歸
但怕酒杯滿莫教詩卷稀惟羞狂斐句瓦礫報瓊璣

又

秋日同文館晨暉帶冷光綵雲瞻鳳闕細雨憶金梁
久事班超筆空嗟趙壹囊簾閣坐無語千丈旅愁長

又

秋日同文館西風昨夜回燕巢留屋角蛛網掛牆隈
書任邊韶懶詩慙匡鼎來人皆抱璞誰是濟川才

未

鄧侯讀書室編簡自相依胠手焚膏寫瘡肩滿索歸

業文從古有忍志似公稀欲挈空虛篋從君乞貝璣

又

鄧子詩成癖全分李杜光楚風還屈宋宮體變齊梁

蔡子辨焦尾晁公懷智囊三賢方鼎峙安敢用吾長

慎思無咎天啓
偶獲同院故云

我愧言詩賜公真好學回讎言芝閣上藏史楚山隈

慎思成
書多矣

把酒論交裏連房校藝來知君懷水鏡依賴

免遺才

晁補之

平生節夫子文墨晚相依臺閣佳聲在湖湘爽氣歸

慎思潭人
再入館

詩誇束筍密髮歎耕苗稀勤苦千秋事川

明水孕璣

雄深張子句山水發天光黃鵠愁嚴道玄龜困吕梁

愛君豪穎脫嗟我病傖囊驥尾何當附西風萬里長

又

蔡侯萬國秀經緯更昭回文史蒼生劔風雲虜起隈

吾君求助意之子為時來萬旅防秋費何如一士才

曹輔

十歲湖湘客淹留何所依清名漢閣在他夜楚帆歸

落日三秋晚浮生一笑稀每煩貽秀句真似暗投璣

又

妙論凌朝徹高文敵夜光輝煌照羣玉縹緲絕飛梁
得句題青竹圍棊換紫囊相從愧衰朽湖海興偏長

又

富貴心非願山林首重回拂衣清世外築室白雲隈
杜口同摩詰忘形學子來斯游行客遂聊此接羣才

蔡肇

圖書從所好英俊此烏依奎壁重開照琳琅盡得歸
地巖宮漏轉門掩吏人稀子有詩三百西江咀寶璣

又

客去衣裳嬾更長燈燭光隨身一書笈貯腹萬雕梁

夢舊傳青館封須拜皂囊羽翰從此正天步赤霄長

慎思方補成宮殿
既故有雕梁之戲

諸彥聯翩入斯文迤邐回滔：引溟漲爛：繚岩隈

此屬文潛無咎
無咎時病目此地身拘窘它時心往來倡鼎真有

味願我獨非才

柳子文

鄧子知名久秋闈得暫依論文虛以往講道實而歸
得句賡酬數忘言笑語稀自慙初學步魚目混珠璣

又

刻意長沙客編書逝隙光朝方登廟器時可詠山梁
未用嘲經笥端宜號智囊頗聞窮史學猶想見三長

又

官輟蓬萊直身從帝所回文章孔庭與事業傅岩隈
多士朝廷念諸公殿閣來英雄須入啟應有濟川才

李公麟

苦學鄧夫子仁風良可依顏回樂也內曾點詠而歸
盛德弥年劭知音貴我稀瀟湘逢此地咳唾得明珠

又

琉璃墨客堂太一助燈光紉史探金櫃擣辭知柏梁

近傳江采筆遠緝漢珠囊吏部文難可猶稱萬丈長

又

共校南宮藝多年復此回羣賢主堂與一榻占廊隈
步屨朝追逐詩筒夜往來故人情不淺無乃困慳才

秋日同文館詩

忠臣

秋日同文館分場試未齊借書窮石室刊字費棠梨
想見英雄敵誰當甲乙題喜陪羣彥集通籍在金閨

屬彥常彥思元忠
器之文潛無咎

秋日同文館來游翰墨場預聞周後造多有漢文章
蘭室依新潤興文潛無咎
天啓連次芸書識舊香逢辰強思報

張氏文集
矯首詠明康

秋日同文館晨興不待雞
眈書迷甲子行樂任東西
靜對庭柯盼閑常柿葉題
相期放朝後連日醉如泥

文潛無答
天啓有約

和

補之

高堂置書几連幕與雲齊
暑服猶便葛秋樂已飭梨
官醪聊且醉古錦不成題
空對燈花喜重城隔夜闌

又

輟直讎書館聯裾校藝場
騰驤來萬里挺拔出千章
直鈞何方得冷風未必香
搜才賴公等要助俗成康

又

憶我蓬萊閣同聽午唱雞
星辰望天北簪組隔城西
幾日宣魚鑰長驅響月題
更憑催節子要剗玉如泥

和

耒

騎列千牀直雲羅萬卷齊
紆妍交孔翠爭味雜相梨
白日諸侯貢青春天老題
秋清文酒健莫嘆羽林閨

又

聲鳴皆出谷嘴距各爭場
鐵網收明月霜鎡到豫章
湛恩終錫宴優禮合焚香
最苦讎書客消愁賴杜康

又

六街分夜鼓鄰屋報朝雞寒引秋初老天將斗轉西
滯留聊飲酒談笑亦分題須信家居樂休嫌窮巷泥

肇

清月看初滿黃花吐未齊小山思隱桂大谷憶佳梨
節物信可美詩騷懶自題長年暗獨宿聽雨閉秋閨

又

匝合青雲幕縱橫白羽場誰矜率爾對吾念斐然章
名淡隄糜榜衣飄月窟香春風馬蹄疾鞭帽散平康

又

萬里夷王子曾聽若木雞泛舟滄海外授館國門西

琛幣求重譯車書想舊題蒼梧弓劔冷雲雨泣芝泥

試院乃館
高麗使客

幹

閒寂同文館秋英綻欲齊禪庖分白乳仙果破青梨
琴理將忘曲詩探未賦題清權在文史誰復夢重閨

又

明時勤選擢間設譽髦長該學添三傳微能及九章
靜無桃葉唱清有菊花香解我幽憂病惟應賴杜康

又

鵲卵因時化如何赴越雞逸羣來冀北屏氣入淮西

盛事兼三物浮辭斥百題慎須精藻鑑寵辱異雲泥

倚

秋日同文館高堂燕集齊杯槃供魯酒教核欠張梨
揚孟特新論韓莊鄙舊題須知宗匠手文采冠朝闈

又

秋日同文館何人獨擅場養我方在泚琢玉已成章
筆列千鋒陣庭焚一炷香得賢從此始豈特致民康

又

秋日同文館棲林者晚雞斗垂宮殿北月轉戶庭西
酒勸杯中淥詩分燭下題何時還九陌細雨莫成泥

南仲

詔命連催發英髦一日齊周瑜醇似酒崔遠爽于梨
高館清無夢寒燈坐賦題還同宿山驛風雨閉重闈

又

槐市任花黃賡歌且闌場醒心流水曲警耳白雲章
冷竹枝三翠芳蘭葉三香滿前皆俊彥何但有三康

又

翠幕春雲合登場看舞雜冥搜人不到驚盼日沉西
瞻學愁精鑒英材喜巨題何人當首選雙貉起蚘泥

子文

磊落羣英集崢嶸逸氣齊捷機聞墮竈妙論及交梨
庭木何年植憲塵同域題高麗人館此書字尚在獨憐車馬散

寒月滿宮闈

懶散江湖客秋深念滌場端宜返田里安敢論文章

山塲橙應熟霜雞菊正香行歸招隱客鼓腹咏時康

卜居南徐有招隱鶴林之勝

國器來金馬儒冠萃木雞勝心爭逐北銳氣鼓爭西
海嶠鵬程息春風雁塔題應思連夜雨車馬六街泥

公麟

鎖寂身如隱幽清物自齊忘憂經露菊蘓肺到霜梨

白髮資談歎朱籤歷品題賢書天下望鵲喜遍深閨

又

呦呦鳴鹿野皎皎白駒場朋盍連茅茹文程琢玉章
門通三級峻桂露一年香慶及飛龍旦同歌庶事康

又

寄棲容幕燕覆蔀等醯雞欲雨風多北窮秋日易西
官書便夜讀家報索親題早晚駉駉入重門折印泥

輔

別館朋簪盍華堂燕俎齊手香思露橘齒冷怯冰梨
桐影迷金井苔痕上壁題共憐今夜月亦解照秋闈

又

平生詩酒興縮手少年場誰敵江河量爭看錦繡章
論才皆國器滿袖尚天香欲寫弘文士風流有長康

又

開口曾吟鳳臨池豈厭雞詩豪杜工部墨妙庾征西
歸及黃花在能忘彩筆題醉游須爛熳莫惜錦障泥

未試即事雜書率用秋日同文館為首句

忠臣

秋日同文館沉：棘鎖闈捲簾襟乍快欹枕夢先歸
驟雨憂環堵回風喜袂衣十年經五試撫事意多違

又

秋日同文館人閑景自長重簾朝氣入嘉木午陰涼
朝市喧聊避山林興未忘頻添繞爐水還與試香方

又

秋日同文館重門靜不開雲隨鴻影去風送樂聲來
挿架書千軸論文酒百杯晚花陳葉滿還是作愁媒

未

遂館深魚鑰華堂靜綺闈每勞蛩作伴不與燕同歸
古棟蝸成篆空墻薜作衣寂寥還泛菊九日莫相違

又

名自諸侯選功收一日長文章雜蛟蚓丹墨有炎涼
平昔曾克負酸寒未易忘書生成底事飽死笑東方

又

倦枕愁霖苦晴窗宿霧開幕雲當畫舍袍雪與風來
元日彤庭實春風曲水杯何須戀楊柳聖世要無媒
唐無名子有第落句早知不用無媒客悔別江南楊柳春

肇

翳：雲生樹翻：風動闌高秋忽如此吾黨苦思歸
極目愁閑塞侵寒寄褚衣少狂真喜事回首壯心違

又

物色清秋逼官曹靜夜長華星披夕靄皓露洗空涼
律細詩難繼禪心夢易忘依稀貪佛日香火宿諸方

又

取士魚鹽出傳經戶牖開驚濤簾外起驟雨筆端來
人競懸金鑑書方貴玉杯太平元有象勿遣賦良媒

補之

風雲日夕改秋氣龍堂開映葉無蜩響依聲舞蝶歸
官壺催賜耐鄰杵急成衣留滯真何補尊鱸興又違

又

氣入中秋勁更傳五夜長青燈蛾舞急白日雁啼涼

羈旅生應慣淹留久却忘吟詩酬鄧子畢昂出東方

又

前去諸生選平居數路開御間自相與嚴穴亦時來
射雉空凶矢為蛇更奪杯千金曾市骨聊用作龍媒

幹

零露沾明砒淒風入邃闈添愁虫勸織驚夢鳥催歸
哀調孤吟笛寒聲遠搗衣飄蓬雖已久今夜覺分違

又

引類憑先進搜才及寸長隔簾愁晝暝隱几怯秋涼
化力人難測機心我已忘封侯良可待誰有不龜方

又

簾幕深常閉門庭闕未開愁將河女隔喜見月蛾來
騷客吟冰柱仙官醉玉杯蹇修那可得笑齒竟誰媒

比神仙會合之事乃鬼
谷子過靈妃見游仙詩

倚

氣候逢秋晏蛩鳴入戶闌簷空看雀闕天濶暮鴻歸
風急飄庭葉寒光着客衣重陽故人境應念賞心違

又

門深鄧市遠幽寂興何長徑菊晴披艷窻風晚逗涼
聖經閑裏醉塵鎖夢中忘更苦年來病時看肘後方

又

旁舍回廊接重簾
晝日開鳴蟬
隨雨退
踈雁拂雲來
吟興降難韻
羈懷寄淺杯
驚飈漸淒緊
又欲作寒媒

子文

虛廊空白月
燈火閉重闈
思苦詩難繼
更長夢易歸
徒勞爭墨榜
須信有朱衣
朱衣吏事見錄
萬事前期定
外沉不尔違

一：聽宮徵銖：較短長品題分玉石得失異炎涼
中的非無術知音豈易忘魚龍頭角老變更何方

又

萬戶爭看榜三年此一開
異時千載過此日四方來
價重連城璧珍逾羽化杯
山梁欣有獲置網豈須媒

公麟

葉乾風索：霜月到書闈
枝並鷓鴣宿林吟蟋蟀歸
幽人知坦履游子念縫衣
暗喜還家近承顏慰久違

又

莫以多為贅須知寸有長
拾才何濟：顧我獨涼：
雷雨龍皆起江湖魚兩忘
攀依聊假手賢立本無方

又

今朝庭鵲喜燈為一花
開側指皂囊去轉頭驄馬來

新橙家斫贈殘菊客浮杯樂事連休日須憑酒作媒

南仲

敗葉掃還飛秋容蕭粉闥青錢如已選白璧會須歸
燕坐書橫案孤吟月滿衣還同潘散騎魚鳳性都違

又

大軸累千箱鳧中見鶴長靜臨窓几讀爽入肺肝涼
誇咤爭求勝疲勞忽自凶由來京邑貢正合冠多方

又

藹：儒冠至恢：賢路開才須金鑑別人自玉山來
謝密書千卷稽康酒一杯如君富術業當與雉為媒

輔

空庭秋色晚風露入重闈白髮已無數故山猶未歸
江湖千里月砧杵萬家衣把鏡西風裏低徊志願違

又

鄧子詩成癖苦吟秋夜長江山得奇秀風月借清涼
却曲高難和騷人興未忘從君乞餘教換骨有仙方

又

驄馬何時到重闈計日開迎門稚子笑載酒故人來
休沐猶三日狂歌且百杯祥麟秋苑靜更約看龍媒

天啓有少年真喜事之句用其韻和

忠臣

慷慨論邊事飄蕭動禮闈貴須金印縮老要玉闈歸
食酪便榆塞鳴鏡憤鐵衣懸知雄辯在志願未應違

肇

百萬防秋去軍容慄將闡請排雲鳥出盡獵犬羊歸
老息陰符讀慵便直裰衣節戾多袞興時命不予違

詩呈同院後至諸公

忠臣

秋日同文館飛章待報回絲綸先日降鷓鴣忽朋來
諸彥俱精鑒微生亦濫陪紛：五千嶺誰定冠倫魁

子文

秋日同文館中官押入回西風初雨已明月為人來
藻鑑憑君許賡歌媿我陪相逢已亾寢坐見斗移魁

向

秋日同文館英游賜與回搜才推藻鑑明試副招來
玉塵聞餘論金尊喜屢陪歸鞍期早晚斗柄指天魁

輔

同文秋已半簾幕燕初回議論皆先覺衰遲愧後來
文衡那敢與談柄且容陪誰掘豐城劍光鋹徹斗魁

公麟

秋日同文館淒風動九回亂雲收暑去一雨送寒來

猥與英躔接，慚非藻鑑陪。雍畿茲顯俊，元祐看新魁。

肇

文書汗牛馬，棟宇切昭回。刺玉君曾試，吹竽我亦來。

鑒精真有賴，詩妙不容陪。只憶歸山去，霜畦斲芋魁。

耒

聽馬嘶將近，天門報欲回。妻孥憐別久，鄰里問歸來。

左學徒仍在嘗官，西城宴許陪。官得與腹毛何足問，

奇提看渠魁。

聞慎思話舊隱用回字韻 補之

聞在豪塘隱松林，百日回當年鹿何往異世鶴歸來。

未許茅齋並終朝，蠟屐陪丹留杉不死夜氣看星魁。

慎思家臨相豪塘晉陶淡隱此山嘗養一白鹿蓋乘鶴仙去藏丹于杉今大十餘抱矣

宛丘先生文集卷第七十一

宛丘先生文集卷第七十二

張耒 文潛

同文唱和

詩呈同院

鄧忠臣

秋日同文館論交手重携胡秦常恨邈李杜豈堪齊
尚喜新知語閑思舊句題十年勞夢想同直集英西
益

秋日同文館文編亦共携升沉都莫問榮辱已能齊
酒美何妨醉詩成強自題從容約歸日訪子省闈西

初入試院

鄧忠臣

東門驄馬止行：被詔秋闈閱俊英三島隔雲天北
極萬燈明路國西域人閑聊假詩書樂地遠還聞市
井聲一夜涼風起昌闔月中應有桂枝生

十載江湖萬里行偶來西館閱豪英雲龍九闕晨書
詔燈火千門夜出城瀟洒庭除當月色稠重幕帶斷
人聲年家兄弟今同舍曾見河南起賈生

慎思被薦
廣西先人

為轉運判官
有詩餞行

鼎補之

官局悠々供此行來時庭菊未含英五更脫葉驚書

几一夜寒砧滿禁城詩似涼風淒有興酒如清露挹
無聲何時驄馬催歸去更看林端醜一生

未

莫歎匆々襍被行賴逢數子美如英已看明月為同
客應犯初寒葉入城白日有書追睡思青燈無夢聽
秋聲直無別甲道遙地幾日疑公太瘦生

慎思治職
勤甚故有

落句

柳子文

登然誰復喜斯行開豁拘懷賴俊英上國擢材初改
轍衆心督戰亦乘城何時奏籍瞻霜簡且復安眠聽

雨聲異日倘容休沐會未慙相約太癯生

李公麟

勅使書囊問隊行聚星深館策諸英雲隨襟袖來蓬
島香散房櫳宿化城振鷺充庭天有幕珊瑚入網海
無聲範模一世尊先覺况此提平慰後生

商倚

承詔掄材敢倦行廣庭深鎖待羣英分場自敵三千
客決勝誰降七十城夜案尚閑塗卷筆曉堂方聽讀
書聲每早嘗聞無歸時還有黃花否已覺秋風滿袖
生

余幹

江南嘗應檄書行多向西風拂露英薄暮解裝融祖
寺去年八月梅潦常宿牛山頭侵晨揮策楚王城在
州東先前年在明蟾又見中秋色哀雁仍聞半夜聲
懷舊感新搔短髮歸時應有二毛生

耿南仲

昭回雲漢九天橫冠帶初盡俊英梁國有珠光照
乘趙人懷璧價連城道山邃處分羣彥文律持來考
正聲秋晚定知誰入彀叔通還進魯諸生

蔡肇

千門鑰入斷人行禁漏稀微入邇英齊拜勅書期老
仗並驅騶御出西城誼譁燈火看如夢閑鎖官曹祗
寄聲聊付能詩破羈旅詩成冉々又還生

試院即事呈諸公

幹

去年策馬上長河逆旅光陰忽々過陳迹不堪追放
浪新才仍復委搜羅雅談幸有青雲士佳句寧無白
雪歌此興非憑吟笑遣未應能奈客愁何

武仲

衡門咫尺恨關河此地平時足馬過欲把塵埃補山
岳寧辭羽翮寄置羅華堂翠帶供閑燕明月清風伴

歎歌擬寫秋容須筆力新詩句々似陰何

補之

天街初月映天河拜勅東華走馬過解榻暫如龜遇
木閉簾還似雉嬰羅倦依書冊工催睡閑倚詩篇足
當歌可待紛々厭朱墨晝閑唯有飲無何

天街落日走鳴珂咫尺衡 不許過催去據鞍猶鶴
望爭觀夾道已雲羅奏篇定有凌雲賦招隱今無扣
角歌最苦清秋辜美睡通宵三問夜如何

子文

高談初喜聽懸河未厭鄰房日夕過胡蝶乍迴塵外
夢蜘蛛堪結雨中羅銀袍較藝觀勅敵玉帳收功聽
凱歌共是當年廷試客鎖闈今日合如何

公麟

盍簪聞善若江河簾幕踈閑笑語過月照飛牋穿戶
綺風生揮塵動衣羅已張英殼收三俊更賦離騷續
九歌涼夜沉々清不寐空庭無奈葉聲何

忠臣

俊游常恨遡山河邂逅文闈喜屢過朱簿分明俱鼎
立墨圖俾拉看星羅人開戶牖還相近朝得英才信

可歌雙鑰重闕非不密只應無奈夢魂何

南仲

重門鍵鑰阻山河願有良朋不厭過唾落如珠傾巨
斛袂揮成幕散輕羅慙分處士吹竽俸謾學東人掩
鼻歌笑語哄堂俄又夜客愁還奈我曹何

倚

風生簾幕撼層波况值清秋一半過堂上簪裾方鷺
集案間圖史已星羅東籬採菊朝嘗酒北里吹竽夜
聽歌早晚奏名聞黼坐望中無奈白雲何

再呈慎思諸公兼以言懷 倚

南窗寂若隱山河時往金門步見過談笑且看揮麈
玉篇章寧惜洒牋羅已羞軒冕嬰身住更問功名撫
劍歌賒得涼秋好風月不成吟醉奈愁何

忠臣

秋闈深鎖覺愁多賴有英游玉趾過日望高樓吟楚
月夢隨明月到湘羅湘羅予家所在南宮曾看揮藻藻西館
還來共笑歌六稔飛光如過隙人生誰奈老催何君平

宣義登科
六年矣

試場未動文書靜官舍相聯步履過千丈蒼波爭倚
薄十圍便腹有森羅登臨已結騷人恨填委終翻勞

者歌後夜中秋佳月色惟予不飲奈明何

重九考罷試卷書呈同院諸公

忠臣

題遍朱籤棟宇充燈窓長聽景陽鐘昏眊直要金篦
刮黎瘦都如飯顆逢文律自隨星斗變月評應合士
人從了無一事猶深鎖辜負東籬菊品濃

補之

周行櫛比未應充薦廟方求古鼎鐘經眼乍愁千紙
積解頤聊喜一言逢黃花庭檻時雖過白酒鄰槽願
可從更促寄衣真似旅曉堂空怯露寒濃

南仲

貢珍已選茂良充猶被拘縻類縛鍾涿酒強倍高館
飲黃花不似故園逢棊枰苦戰挑燈坐薜壁閑題捧
硯從風葉滿庭秋索寞更籌向盡睡方濃

幹

庭實方期國士充知音須辨鐸符鐘孔融愛客樽常
滿摩詰思親節又逢烏養任真終自適堯謀傷性竟
誰從開門預計無多日猶起清愁暮靄濃

忠臣

屢見高文試澤宮長年叅校愧龍鍾懸瓌待價由來

久綠綺知音不易逢吉語乍聞隨鵲喜

是日別試勝出親友亦有

預薦者 歸期專欲問龜從到家莫負如泥約光祿供醪
味漸濃

予有詩與同舍云相期放朝後連日醉如泥

肇

清秋官舍酒瓶空滿袖黃花情所鍾愁須白酒來酣
戰詩為黃花吊不逢十日飛騰過眼疾萬籤甲乙定
誰從共應靜掃甃能榻深炷爐香午睡濃

時去開院十日

未

回首登高行復冬後時只合歎龍鍾忽得教篇吟可
老絕知開口笑難逢浮舟有底不歸去戲馬猶能限

莫從江上鱸魚三尺許西風欹枕夢魂濃

子文

侵尋節物過秋風何處釣天燕鼓鍾九日菊花聊一
醉五湖佳士偶相逢挑燈款語時供笑借紙聯詩且
漫從待得出闈應放意百杯追逐興

濃慎思有如
泥之約

公麟

籲俊天畿合辟雍愧將瓦釜綴黃鐘聽窮一竿無
濫撥遍磷磷玉似逢龜列春庭先壤奠龍飛天路得
雲從吾曹莫念拘縈久求稱公朝慶賞濃

鞅掌棲遲一畝宮慣聽更柝及晨鐘黃華慰眼祗尔

許綠蟻于人亦漫逢幾日囊篇賡不逮二時庭步笑
相從近來尋却家山夢枕和衣睡更濃

夜聽無咎文潛對榻誦詩響應達旦欽飲雄

俊輒用九日詩韻奉貽

忠臣

連林交語響春容激楚評騷徹曉鐘繞宅金絲神共
聽滿潭雷雨劍初逢信知自有江山助便欲長操几
杖從俱是年家情不淺依蘭應許巧香濃

先子與張
文職方晁

文都官同年忠臣與應
之同年兩年俱有事契

依韻奉酬慎思兄夜聽誦詩見詠之作

耒

昔遇晁公淮水東士衡已聽語如鐘五車講學知無敵十載論文喜再逢古匣劍光疑鬼泣夜天虎嘯有風從許戾破的由來事三句皆屬晁子杜老裁詩曉墨濃

與文潛誦詩達旦慎思有作次韻呈二公

補之

神交千古聖賢中尚想銅山應洛鍾傾蓋十年唯子舊知音一世更誰逢天如蟻磨駁旦談似縲車疊疊從鄰榻節侯那不共擁衾百首興方濃

次韻重九之什

倚

英豪獻策廣庭中間辯紛似叩鍾名奏九重書密

上士欣千載運親逢鸞鳴定獲喬林樂鳳舉應容衆羽從盛世文章由此變坐看風俗反醇濃

昔年此日故園東爛醉牛山到暮鐘牛山在菑川城東二十餘里

已往光陰那再得如今羈旅又重逢淵明把菊情雖

原子美登臺願莫從杜甫九日詩云抱病起登江上臺且看羣書歆

枕卧病多仍負杯酒濃

次韻慎思貽二公誦詩

肇

卧聽高齋落葉風清詩交詠想晨鍾故人厚德論千載正始遺音僅一逢膠漆初期在俄頃雲龍莫恨不相從芸房深鎖秋香冷鬱鬱忽忽佳氣濃

未

西城永夜靈鼉鼓北寺五更青石鐘九牧何時官事
了三英聊喜故人逢屬同舍鄧晁蔡三公甲庚定處君無讓蹀
躞歸時我請從欲却睡魔通夕語明窓茗粥不辭濃

八弟預薦慎思兄以詩為慶復次韻并寄八

弟

補之

吾弟平生辛苦同匹雛志舉百鈞鐘自慙操瑟向不
斥勸使力田終有逢青眼故人欣捷報白頭老母喜
占從書林倘預西城集醅子酣杏正濃

九日考試罷聞無咎天啓二弟薦名因用前

韻以紓同慶之懷

忠臣

朱墨沉迷萬卷中斗筲那得變千鍾風流不似臺南
戲牢落正如江上逢閣筆文書聊撥棄到家車馬數
過從阿連已與甘泉奏歸拜堂堂喜更濃

慎思兄別墅在長沙白鶴山晉陶淡舊居淡
事見本傳今其居有大杉可十數圍蕃茂特
異世傳淡藏丹其中用前韻謹賦

未

千年騎鶴老仙翁固是山川秀氣鍾桃洞自宜無客
到吳門應合有人逢岩前舊隱孤杉老壺裏真游白

鹿從近有蓬萊讀書客卜居還占翠嵐濃

家弟別試預薦特蒙慎思學士贈詩致慶感

荷不已次韻酬謝

肇

我家書冊代耕農尚祝甌婁取一鍾再築金臺端不
味高懸水鏡亦難逢親闈動喜欣：色士論推公趯
趯從好在黃花薦歸壽秋堂懽笑變春濃

宛丘先生文集卷第七十二

宛丘先生文集卷第七十三

張 耒 文潛

同文唱和

同舍問及故山景物用鍾字韻賦詩以答

忠臣

吾廬高對玉池峯日聽諸天奏鼓鐘

漱廬四環皆名
山佛宮道宇相

去率不過六七里海外鶴歸青嶂覺洞中花落碧溪逢翻經

夜對高禪講採藥晨邀老圃從說與羣仙如畫出紛
然歸思亂雲濃

肇

白鹿真人歛御風青山手種大如鍾還丹未化神應
護道骨相期子合從萬里且看騰踏去一樽聊喜笑
言從攢峯列壑休南望曉榻秋陰分外濃

補之

玉泉飛落白霞峯散入山田畝十鍾鄧子結廬真世
外陶公晚屣更誰逢鶯啼春竹風煙近龍起秋堂雨
電從誰使山人空蕙帳蓬萊金殿興方濃

輔

洞庭湖外白雲峯醉臥虛堂聽曉鍾澗草岩花無日
歇仙人玉女有時逢脂車石路君能去蠟屐秋風我

願從欲藉神方變華髮黃菁苗盛菊香濃

幹

煙霞曾是踏諸峯翻作清歌笑玉鍾幾代孫經桃塢
隔千年壇憶華山逢美才方赴鳴騶召逸興何由稅
駕從我亦江鄉成阻澗西風歸意浩然濃

倚

先生家住翠微峯萬卷詩書酒一鍾壁掛葛巾無客
到雲藏古洞有仙逢溪邊晚釣呼鷗伴花底春吟引
鶴從只恐舊山歸未得帝恩朝夕露濃

南仲

草廬高卧對千峯白眼誰能顧萬鍾仄席不因天子
詔藏詩未許世人逢他年社稷勲如立歸老煙霞志
會從五柳一松應好在月明空自結陰濃

感興復用鍾字韻戲呈同舍 忠臣

五年湘水聽霜楓長樂初聞此夜鐘遼鶴亦知華表
在仙棊猶許爛柯逢蓬山道藏聊為戲石室真游久
欲從便擬作歌招隱去人間得意不須濃

慎思屢以佳篇見貽且俾屬和而衰老困于
強敵輒為詩以謝之兼簡無咎文潛天啓

輔

節戾清骨如水瘦少日文章苦用心賦罷吹噓因狗
監詩成傳誦到雞林陽春白雪無凡曲流水高山有
至音更唱自存三益友老來衰病廢長吟

漫興成章屢蒙子方寵和更辱贈句輒用奉

酬

忠臣

聲名辭藻競駁：不負平生許與心鳴鳳自須諧玉
磬野麋秣稭合戀雲林清新每許羊何和冥默初聞雅
頌音不是南冠厭拘繫楚人元愛楚風吟

肇

曹公長劍一杯酒節子孤雲萬里心神駿莫辭觀馬

廡深沉久合寄書林禮闈聯事幾三月詞客悲秋共
一音獨有何郎詩思苦空塔點滴伴清吟

奉報子方佳句

補之

曹子金門等陸沉壯年裘馬四方心檄傳白羽從沙
井詩寫血巾遍武林兵甲曾中無敵國絲桐世外有
知音崔浩不能彎弓持矛相逢不飲何為者祗作寒
肖中所懷踰于兵甲廳擁鼻吟

慎思說家山之勝用其語得詩

肇

江清石磊野曠竹修、此地有茅屋我行尋白鷗

分留須物色來往更風流相對黃塵夢詩成擁鼻謳

忠臣

野橋隨岸架茅屋依林修木落吟霜狹雲晴舞雪鷗
山屏當戶列瀑布入溪流只合樵歌唱何因得蔡謳

寄次張弟

忠臣

貓頭竹葉細檀欒新笋如椽日滿盤寄語兒童莫多
取未春從上萬餘竿

肇

南山千畝龍蛇窟半夜春雷起屈盤欲釣六鰲滄海
去為留春笋作長竿

嘲無咎夜起明燈聽慎思詩 未

翠屏香暖秋眠穩霜冷寶函金錯刀誰信苦吟無睡
客挑燈起聽楚人騷

和文潛嘲無咎夜起明燈聽予誦詩

忠臣

參橫月轉與天高歸士飛心憶大刀故作楚吟排滯
思吟成風月更蕭騷

輔

秋風落盡千林葉恰似并州快剪刀香冷洞房歸未
得一窻明月讀離騷

奉答文潛戲贈

補之

倦游年少憶安巢歸夢嘗慙斷織刀樂羊子游學未
歸妻何氏引刀
趨機曰君損失成
功猶斷斯織也老去周顛雖有婦黃經對几夜騷

肇

鄧子詞峰魯孟勞制鐘剗玉盡鈇刀風流陶謝枝梧
困擊節期君僕命騷

忠臣

拚老工詩恨不高苦心錯玉與礮刀正如天祿秋風
夜剔盡寒燈著廣騷

再謝周顯之句

未

煙飛小玉吳王國柳暗朱樓鐵甕城見說周顯經案
外亦聞荀粲并林聲

忠臣

眼看秋鴈歌汾水心到陽關唱渭城却被維摩居士
笑海潮音作斷腸聲

補之

秋日照歌淮上舫春花引醉福昌城何如閭闔門西
北卧聽秋風枕畔聲

小詩戲無咎

肇

吳山楚水未忘懷暮雨朝雲恨已垂縱免摩伽能毀
戒未妨澤室會于齋

忠臣

文書盈几法筵埋香火秋來願稍乘得似鹿門携手
去定隨繡佛鎮長齋

已未年春與伯時較試南宮同年被命者六
人今茲西館唯同伯時一人而已因書奉呈

忠臣

十載京師五校文並游多已據通津再來更鎖城西
館點檢同年只一人

公麟

憶鎖南宮會友人天梯相躡看雲津白頭笑我成今日青眼逢君尚昔人

宛丘先生文集卷第七十三

宛丘先生文集卷第七十四

張耒 文潜

同文唱和

中秋月

鄧忠臣

寂寥無聲月庭午蟾蜍通津墮清露明星爛々今何稀美人熒々隔煙霧

晁補之

秋風吹空鴈旁午長天無雲月呈露為須清曉照清尊莫遣中宵生薄霧

曹輔

空谷秋寒同子午白月紛：洗清露遙想燈花結夜
鬱金斗帳香如霧

與文潛無咎對榻夜話達旦 忠臣

書窻燈火夜深明窗外蕭：雨葉聲對榻不眠談往
事統如五鼓過嚴城

未

燈花昨夜已分明更聽朝簷喜鵲聲明日朱門閉空
館秋風駿馬大梁城

補之

疎林小雨月籠明商頌琅：夜半聲節子弓強殊未

發欲馳桑本犯堅城

蔡肇

窮秋天氣少晴明雨葉風窻夜：聲應為幽人聽未
足不教驄馬出重城

時已奏號而御史
不至遂留一夕

初伏大雨戲呈無咎 未

初伏炎：坐湯釜長安行人汗沾土誰傾江海作清
涼玄雲駕風橫白雨補陀真人甘露手能使渴乏厭
膏乳且欲當風展箒眠敢辭避漏移林苦清貧學士
卧陶齋壁上墨君淡無語翰林但解嘲首肯彭宣不
得窺歌舞聯詩得句笑出看策馬涉泥歸閉戶林頭

餘槩定何嫌意外苦榴堪薦俎

補之

蓬山西鄰九軌路三月街晴案吟土真廬鑿牖南宮
垣青壁嶄々看垂雨殿閣風斜碧瓦寒翅濕蒼鳶不
能乳却思窮巷亦可憐一掃蚊蚤通昔苦鬱蒸書課
未須忙午漏客休聽天語平生豪氣對尊酒山雞見
鏡猶能舞城南寺近晚堪行笙歌涼月開千戶但憂
伏日細君須割肉無緣俟婦俎

未

火焚真金融作暑南風無聲蒸厚土省門下馬不讀
書急掃藤床卧聽雨朝涼已覺飯有味紫盃新茶如
潑乳天工未費一杯水已變炎涼異日苦晁戾笑顧
北窻竹知君吟詩得佳語忽驚秋近梧桐落未厭野
濶商羊舞快洗晚空作晴碧三更月華清萬戶不怕
泥深滑馬蹄更自無金謀燕俎

忠臣

大明放朝避暑長廊修々絕塵土漢家宮殿敞千門
紫閣拖雲洒雨甘雷併電笑洗蒸鬱蕩々青天滑流
乳憶昨三年田舍中六月正服農家苦豈望生還直
舊廬得見張晁說新語初聽鈞天驟竊抃正似聲聞

躩起舞喜乘初涼與晤歌不憂庭潦蟄垣戶徑携斗
酒相就醉更置雙鯉充君俎

汗流龜趺如炊釜蜂蟬飛空蟻運土眼看織雲上太
清曾不崇朝八荒雨金柔火老旱太甚咀嚼冰雪如
錫乳豐隆列缺及時來蒼生解除焦焚苦張侯不辭
茅屋漏倚柱長吟可人語愛君豪猛為君和初撫劍
歌終起舞城南酒壚醅新發不獨黃公當門戶滿酌
鷓夷極懽酌細摘園蔬供鼎俎

突冷塵魚生甌釜十年都城困風土不辭揮汗過三
伏敗屋怯聽霧霰雨張侯作詩召清風渴讀如飲雪

山水笑我形容太瘦生我亦悔前用心苦晁子迭唱
亦起予兩人終日同堂語奈何枵學技藝窮跛鱉欲
趁驪驪舞魁然圍腹貯文史朝來氣爽寬酒戶為君
急置榼頭鱠縷翠霖紅落雕俎

神龜不識烹魚釜生潛深淵長黃土誰令誤落魚網
中白晝冥冥作雷雨嗟予惓然別舊隱空岩無人滴
鍾乳松菊滿山胡不歸顧同妻子忍攻苦長歌漫
何時旦起坐中夜私自語茅茨十九漏如澠誰知華
堂醉歌舞山中吾廬歸去來峯插翠玉朝南戶注目
操刀必割時尸祝何須越尊俎

肇

城中鼎食排翠釜羊胛駝峯賤如土青衫學士家故
貧斗米束薪炊濕雨縱橫圖史照屋壁咕囁詩騷從
稚乳省中無事騎馬歸雨聲一洗茅簷苦急呼南卷
同舍即聽我臨風有涼語且貪青簡事文章未有黃
金買歌舞往來詩卷牛腰許大羹玄酒並在戶吾詩
老澁邀使前政坐可口收艱俎

次韻上文潛文

肇

張侯胸中包覆釜百里奔流無寸土玄蛟白鼉有時
作一洗乾坤三日雨詩雄變怪有如此震動猶能止

啼乳已傾太白酒船空更厭少陵飯山苦昨朝東門
同拜勅玉齒猶殘道中語閉門十日無一事坐對空
庭秋葉舞何時御史出霜臺便假前駟辭棘戶城南
邀我倒餘尊紫栗黃橙已登俎

答天啓

耒

黃鐘無聲登瓦釜蔡子青衫在塵土逼人爽氣百步
寒知子曾中有風雨三年河東走胡馬絕口魚鰕便
酪乳歸來萬卷付一讀不覺兒曹用心苦周瑜陸遜
久寂寞千年北客謝吳語莫徒彩筆雲錦張要是寶
劍蛟龍舞天兵百萬老西北快馬如飛不出戶看公

大纛出麒麟走取單于置刀俎

和天啓贈文潛

補之

蔡侯飽學困千釜濯足清江起南土放談頗似燕客
雄快奪范睢如墜雨東城擒羽未足論柏直何為口
方乳蔣侯山中伴香火三年不厭長齋苦平生豪偉
有誰同要得張侯三日語晝閑那自運甓忙時清不
用聞雞舞桓榮懽喜見車馬書冊辛勤立門戶要當
食肉似班超猛虎何嘗窺案俎

再答

羗兵昔出臯蘭路欲鏟新城無聚土煙烽照夜氣如

霞鐵馬連羣歎成雨東西兩關同日破股掌嬰兒絕
哺乳鼓聲十日拔帳歸至今猶說防城苦當時諸將
無奇功不敢彎弓向胡語橐駝西來金帛去孽狐小
兒猶跳舞王師八月盡防秋惴惴軍興恐編戶腐儒
不用輒憂邊廟堂有人制尊俎

呈鄧張晁蔡

輔

都城薄祿才三釜白髮朱衫汗黃土九人同日鎖重
闈一夜濤聲卷秋雨投身雖喜豪俊窟刺手如逢虎
方乳鄧侯相逢十載後清骨峽岩詩思苦張晁自是
天下才黃卷聊同聖賢語蔡子彎弓欲射胡拔劍酒

引疾正文集
酣時起舞何當睽袂上霄垠速致時康門外戶病去
行矣老江湖尸祝安能越庖俎

幹

可畏日輪如赤釜賴有羣仙司下土稍從寥廓踊濃
雲旋向塵埃洒甘雨松羅既女更施澤山木欲童俄
得乳馬牛暫息要途勞魚鼈頓舒炎海苦野鶴那虛
屋上鳴穴狸不繆山中語清風豈假白羽搖輕汗寧
沾翠綃舞已憐爽氣滿襟袖更喜餘霞照庭戶後朝
便足闋英才為指悵懔設千俎

次韻呈文潛學士同年

子文

才堪斗量君獨釜年少登瀛脫塵土重闈幾日鎖清
秋酬唱新篇亂如雨讀書相逢十載前君家酥酪如
腐乳晚將衰颯奉英游漫記雪窓邀夜語平生意氣
杯酒間我醉狂歌君起舞即今頭白老青衫但期教
子應門戶燕頤從來骨相殊看君鼎食羅五俎

亡苦
字韻

一聯

用俎字韻呈樗年

墮竈一言能破釜魔界掃空成佛土鍾山道場天所
開萬壑千岩沒華雨白衣居士演真諦江漢滔、流
法乳自從玉髻飛上天紗綠誰救諸有苦我昔南行

入定林水鳥松風能妙語六時天樂綵雲飛百丈寒
江翠綃舞此地知君曾着力雷作彈指開蟄戶空山
蕙帳盍思歸秋末晚松行可俎

次韻天啓戲為禪句之作 幹

一片木柴投向釜不是知音色如土道途謾用運三
車根性終然資一雨相逢儻獲箇中人消滴何辭比
麤乳善才童子天質奇拋官遠遜修行苦果向北山
曾遇人便解指書尋一語而今脫却七斤衫相見山
山惟作舞秋闈何幸相握手未厭夜深來叩戶莫愁
客至將何待困有眠床飢有俎

上呈子方鄉丈

天啓

西方殘虜魚游釜徃歲天兵收境土軍行旱海口生
煙沙井無泉天不雨將軍意氣吞八荒欲入涼州傾
馬乳堅城不下河未冰幕中稍覺從軍苦曹侯獻計
取東閔帳下選鋒同此語歸來塞色侵鬢毛聯翩始
閱交衢舞不學行間妄校尉盡斬孫歆封萬戶人生
富貴有危機彘肩不願加雕俎

次韻答天啓

子方

天兵連營十萬釜烈々威聲震西土崑崙月窟掃欲
空豈止斯民被時雨賀蘭狡兔遁三穴黃口嬌雛未

張氏文集
離乳臨機一失挫銛鋒誰願忠言如藥苦吾鄉蔡子
喜談兵早歲曾過阿戎語逸才自擅鸚鵡賦高韻仍
為鸚鵡舞方畧應須敵萬夫徒繫韓嫣笑當戶政宜
弱冠請長纓係取單于置高俎

次韻奉肅子方并示文潛無咎天啓

忠臣

愛陳思詠箕釜幾年不見徂南土
場夜窓共聽空塔雨躍馬祭卿能齧肥好書張戾期
飲乳鼎令知從博士遷智囊不厭傳經苦於茲邂逅
如夙契睽我劬勞勲晤語詩成乍變龍虎文筆落更

驚鸞鳳舞我將隱遁山林安公等整頓乾坤戶分同
尺鷃槍榆枋難伸犧牛登鼎俎

宛丘先生文集卷第七十四

宛丘先生文集卷第七十五

張 耒 文潜

同文唱和

欲知歸期近呈天啓

耒

欲知歸期近屈指不滿手豈無兒女心惜此良邂逅
蔡郎吾未見心已想雄秀那知風雨夜聽此龍劍吼
八荒一驥子萬馬空去廐鍾山淨名老為子不惜口
頗聞國士薦回自君所有唯應功名地他日容老醜
蔡肇

欲知歸期近朱墨復在手出門豈無時官事少邂逅

張公晚定交千仞仰森秀華堂耿清燈夜半獅子吼
真龍服內閑爽氣凜羣廐新詩陳五鼎斟酌皆可口
光華委行色於我亦何有絨藏不知報刻畫無鹽醜

鄧忠臣

欲知歸期近行、重携手掖垣隔華省明日難邂逅
作者六七人崢嶸竦神秀藏蟄龍虎姿風雲即騰吼
嗟予自遲暮老驥伏閑廐奪珠不量力攬臂犯牙口
平生辛苦行何足為已有政似逢毛嫱婦憎孟光醜

晁補之

眉山見張侯心許出一手臨川得蔡子千載慰邂逅

鄧君起南國磊、看三秀譬如黃鍾陳我尚瓦釜吼
欲知歸期近喚馬牽出廐官醪持餉婦傾寫僅漬口
千章輸明堂勿問草澤有羣公自凜、水鏡照妍醜

考校同文館戲贈子方兼呈文潛

補之

二十年來曹子方新詩曾見未能忘多才善譁稱物
芳吳娃席上呼作郎瞥然何許歲月長只今未老毛
髮蒼自言逢掖非昔狂傳經華陰夫子堂何曾騎馬
身挾槍詔隨上將西擊羗董浦踏注謂我減夜行馬
領飢無糧鼓鼙驚谷騎卷岡吏呼為微醉在床前鋒

張氏文集
奄至靈武傍中堅及後無敢驤城開三日牧蔽隍百
馳載笥千橐裝旌旗立壘烏烏揚選軍不省一矢亡
坐師無獲勞不償鏡歌入奏虛錦囊秋風鱸魚思故
鄉銳頭宜董鶴鵠行得官猶領萬驢驢王城對巷如
參商那知連月居茲房稱多量少非我長羣公古鏡
縣秋光閉門飽飯庭葉黃秋盤登兎官耐香吳音訛
變雜秦涼令壺老柏笑覆觴淹留平日夢欲翔得君
可樂殊未央人生傾蓋何所望結交松柏要冰霜中
天號出玉壘章青驄御史騰康莊歸期屈指未可忙
聞君况有夢虺祥生女不惡嫁鄰墙掃軒留客具酒

漿與君更約城南張

忠臣

五年坎壈哀南方江湖魏闕西相忘洞蘿岩桂寒孤
芳月潭風渚儔漁郎單闕孟夏草木長望都樓觀鬱

蒼蒼

忠臣癸亥六月以家艱
去國丁卯四月還省

誰令焚艾辭楚狂復來

上君白玉堂黃門戟曜羽林槍未央引藉班胡羗雲
屯錦膊馬斯減太官日膳瓊為糧追隨威鳳鳴高岡
豈敢偃息復在床投鉉歸休下殿傍衛士傳詔來如
驥館閭闔外西城隍書囊迫遽不及裝籲俊士集要
言揚得弓勿問何人亡趙璧既入秦城償穎脫喜見

雖出囊同人于野不擇卿我：羽翮整顏行玉闈玉

勒皆驕驪伯喈懷贖望金商天啓魁梧奇偉值子房

文潛家令教術應帝王無咎三英粲：日爭光我輒

與之較雌黃芳菲滿室蘭生香坐堂月久秋氣涼將

軍思歸歌撫觴子方倚梧目送雁南翔想見葭茨水

中央洞庭河漢遙相望香楓葉老亦染霜感槩少日

七步章長安城西約鄭莊予與子方無咎文牽率不

往有底忙人生可意乃吉祥快馬劃過小苑墻入門

爛醉銀餅漿秦箏趙瑟喜高張

次韻無咎戲贈兼呈同舍諸公

曹輔

少年落魄走四方看山聽水興難忘深林誰復知孤

芳十載江湖稱漫郎紫溪風月幽畏長綠水如鏡煙

蒼：追隨豪雋多清狂春風慢醉胥山堂下瞰羣峰

聳如槍吳儂棹歌笛弄羗攀蘿捫壁疲獲減經旬選

勝行齎糧客兒經臺倚高岡共卧明月吟胡床投身

忽落崑崙旁征西萬馬隨騰驤官軍夜半填賊隍食

盡師老催歸裝將軍數騎謾鷹揚斬捕不能酬失亾

曲突徙薪語莫償幕中病客非智囊扁舟夷猶憶吳

鄉晁侯平日丈人行生駒今始見驕驪伯樂一眇過

老商恐是稟質龍蒼房尤工吳語放降王叔敖抵掌
對燭光秋英落盡金鈿黃玉甕浮春醅潑香九天廣
樂來新涼笑談聊此共一觴天衢六翮將翱翔正值
弄馭游中央我老委翅無復望洞庭橘熟千林霜行
當拂衣解銀章買取百戶洲畔莊世外日月何曾忙
修然一室生吉祥車馬還能過我墻夜具茗飲與柘
葉更看君詩雲錦張

敬用無咎學士年兄長韻上呈子方太僕鄉

丈

肇

兩河郡縣淪西方西人思漢今未忘果園蕪沒白草

芳

靈州乃赫連
勃：果園

旃裘戲馬誰家郎車箱峽口澗谷長

旄頭倒掛回穹蒼王師西出討猶狂六花簇壘來堂
堂前鋒銳頭臂兩槍伏姦謹索救生羗天聲隱麟搖
姑臧奇兵繚背斷饋糧決河有聲如壤岡城頭擊鐘
聲殷林萬甲幾欲漂無旁雖有伉健誰騰驤一夫不
敢陵彼隍馬首欲東促歸裝絨胷有策鬚眉揚歸來
恍：若有亡劬勞累日何由償戰鞍掛屋尋書囊日
隨飛鴻思帝鄉彭城老將官橫行幕中市駿收驪驪
射堂兩部奏清商應弦破鏑如蜂房劉涓州射為笑
天下第一
談斥土驕名王畫圖遣奏朝明光詔書留典真乘黃

錦韉玉勒春風香平池老柳高雲涼神駿在目豪吟
觴跨下蹀躞驚鳧翔皇居九衢天中央我時項背聊
相望西城九月天隕霜夜談閑塞評文章微言竊比
惠與莊和詩脫筆覺我忙祝君韜養壽且祥功名有
未成墻堵勿憂寒暑敗玉漿韞弓箠矢用則張

無咎兄贈子方寺丞見約出院奉謁復用元
韻上呈子方兼答無咎見及語

未

曹戾驥骨雙腫方流沙萬里志不忘讀書故山蘭蕙
芳咳唾不顧尚書郎參軍朔方試所長奮髯決策服

老蒼願得一索縛狡狂凱歌操馘獻明堂黃河東岸
萬旗槍義渠竟失先零羗坐師失律無否臧但恨不
取東閔糧黃君詩力回魁岡十客未得一登堂携君
秀句展我旁草書紙上蛟龍驤謂我君舍城東隍年
來長嘯乘軍裝載酒欲訪執戟揚休日出門如闕
坐令聆耿願莫償紫衣宣詔襍被囊獻書貢士學與
卿羅庭充屋書萬行風縈霧鬣簡驕驕考評唐虞論
夏商相過近如蜂隔房君家八斗陳思王千年門戶
有輝光任城健將碎須黃猗蘭之苗不改香家人寄
衣秋晚涼滯留華館付杯觴天高月明新雁翔明燈

高談夜未央屈指計日引領望來時汗流今雨霜重
明事嚴御史章賴君諧捷解色莊還家有日未用忙
眉間黃色是何祥鼎戾約我走門牆但無閉閤休餽
漿莫以獸微弓弗張

宛丘先生文集卷第七十五

宛丘先生文集卷第七十六

張耒 文潛

同文倡和

復用方字韻奉贈同舍慎思文潛同年天啓
鼎補之

平生數子天一方今夕何夕情難忘荷衣攬蕙氣芬
芳冊府兩宮同舍郎崑崙方軌萬里長西域却望天
蒼：秋庭風雨翻幕狂夜語蔡侯同一堂張戾老筆
森矛槍文詞楚些遺蹇羗曾中水鏡誰否減學三百
困羞裹粮思如决瀆萬仞崗大編小軸山壓林城南

置屋君舍旁疲駢日附驥尾驤我慙味道由四隍人
如燕宋初束裝聽君雄辯神揚々却思得一愁十
鄧侯韞櫝價不償有方未試聊貯囊起家牛斗玉筍
御鴻鸞早入鵷鷺行和鸞采薺要驪驪一鐸便足諧
宮商知君雲壑有松房南陽未起心霸王玉池復說
夜有光仙人藏丹金鼎黃願分神漢浴骨香我非其
人慙德涼蔡侯發跡江濫觴閉籠祗欲擘海翔此公
事業未渠央六奇他日吾所望烏號張月刀瑩霜裂
五單于加印章穰苴何但虛斬莊遭時立志未可忙
白犢得蕃寧非祥嗟予企踵不及墻逢君如渴御蔗

漿怯雖如鼠猶膽張

敬次無咎來韻抒寫素懷兼呈文潛天啓伯

時仲遠

鄧忠臣

梁宋吳楚各異方交情一契不相忘况乃顏色瓊枝
芳石渠金馬漢諸郎我從瀟洒煙水長江湖飲見山
水蒼扣舷弄月浩歌狂竭來濫吹崇賢堂儲胥乍駭
綠沉槍擊鼓震警庸蜀羗爰居受饗謀非臧悔辭卑
飛斑竹崗終日懶祭書繞林故山秋菊英可糧西風
夢掛南斗旁翠蚪絳螭交首驤坐看樓闕照天隍壯
心鬱律軍騰裝攷弓卧甲氣不揚揮斤欲斲獲人亡

引
劍價倚待風胡償雲間邂逅得智囊洞庭釣天奏帝
卿慷慨奮激萬夫行天路滅沒飛驢驪張戾同聲羽
應商蓬萊方丈屋連房海口瀾翻議百王太乙下照
青藜光要我挾槩弄鈔黃四庫顛倒翻芸香蔡卿有
來安西涼慨慕玉関歸獻觴同官李柳並翱翔鸞和
節奏聲央：誰其力薦慰所望九閭白日無雪霜垂
光虹霓急草夢沉冥清遠西蜀莊人間勢利本不忙
麒麟鸞鷲國珍祥每恨官隔西掖墻可使簸揚挹酒
漿不似箕斗名虛張

謹次元韻奉勗慎思學士年友

李公麟

君家祝融水一方平生書闈食可忘雲河漱潤塞瑤
芳天帝璧府儻書郎馳騁千載凌子長神清骨秀顏
色蒼書淫傳癖笑輿狂十年此會同都堂上樓吟春
碾旗槍詩筒吳飲賡楚羗一律校文公否減日飽大
宦沆漑糧米鸞入網空南崗賢書奏牘紛滿床朝出
紛闡幕帝旁駸：天路羣龍驥病鷓帖：乃汗隍白
雲隴望因倣裝放歌長林聲激揚佩蘭思馨雖朋止
雲出鳥還聊自償羽扇塵尾隨經囊龍眠乃是無何
鄉朝游不亂麋鹿行歸卧展圖觀驪驪憲負頌古時

歌商徜徉興罷住雲房焚柏翻經究法王母：暗度
歲月光山頭草青還葉黃洞明已死閑骨香此志未
就嗟涼：親顏向日每稱觴旨甘鞭後難翱翔謁來
竊食天中央古人千歲空相望同文鎖蜜御史霜得
公再集評文章亦說種松輞口莊使我夢蝶栩栩：忙
便欲負郭占農祥門開儻容倚孔墻想俛北斗下挹
漿筮篋更對高秋張

次韻呈慎思學士

柳子文

咸韶濩武未何方鏗鏘入耳安能忘陽春蘭芷秋菊
芳金門詞客青袍即昭回下燭光焰長深山大澤龍

蛇蒼浩歌激烈元非狂正逢聖主開明堂風煙閑塞
收旗槍舞于兩階臣戎羗喋血拓境謀非臧邊城夜
行休齎糧採詩不復嘲青岡蚺蟻戢羽戍婦床移文
北山猿鶴傍渥洼朱龍兩服驤昏靡版築罷浚隍白
環楛矢貢篚裝航海萬里風帆揚犬羊種落嗟唇亡
諸蕃入學願可償槐花舉子促書囊成均貢士登賢
卿東門宣詔禮十行我慙駑駘追驪驪何敢望回不
及商毛遂未至空連房同舍十九人
予獨後人賴有墨妙江都
王傳模共分此日光驂騮綠驟兩耳黃想見蹙踏披
天香坐覺暑退秋堂涼拘攣齷齪漫引觴門外烏兔

雙飛翔悠、逝川東去央故山魚鳥空相望鄧侯意
氣摩秋霜朝吟百篇暮千章駢羅經史貫列莊落紙
但見書吏忙孔鸞羽儀各効祥鄙夫不學空面墻先
饋不用驚五漿烏號要須賁育張

次韻奉鼎無咎兼呈慎思天啓

一未

平生結交圓納方過眼十人八九忘腕蘭畝蕙幽谷
芳嬾隨家奴諛五郎苦飢方朔身漫長顛毛種：顏
色蒼誰謂勝癡端坐狂清淮之陰一草堂列筆作陣
茶森槍絕口平戎與破羗百年如此計亦減何用竊

食官倉糧玄黃病足畏高岡但願縮頸老支林煌：
東壁日月傍神仙鸞鳳爭騰驤萬書落架城覆隍牙
籤如雲丹碧裝晁侯再作班與揚正始故在何曾亾
江湖十年願飽償夜成七發光出囊蘓公後出長卿
卿為君吳都無一行

蘇翰林欲作杭州賦見世有伯
無咎杭州七述乃止

樂生黼黻肯使弭耳隨鹽商鄧侯楚山深閨房名走
上國交侯王朝隨日景夜燈光包攬今古窮炎黃吐
詞分葩有國香近君如雪六月涼又似心醉醞酬觴
東南蔡子名飛翔同隨天書拜未央瑰琦宏傑萬夫
望類牙凜：有風霜文如神鼎爛龍章鍾山長齋讀

老莊論兵說佛兩俱忙不夸得硯文字祥但願破敵
如頽墻我窮乞酒更得漿仰看三虎爭雄張

贈天啓友弟

幹

柔弧蓬矢射四方嬰孩立志長可忘草學兒女謾弄
芳豪氣當視交河卽邊城入望千里長臂韞時駕角
鷹蒼搏搏仍放韓盧狂鷹鷄日暮隨登堂往來絕藝
精飛槍餘勇猶足吞頑羗讀書誰謂毅勝臧盛時萬
鍾遠餽糧水輸長川陸登岡垂弓在囊弩在沐蔽扞
不陳牌君旁天馬馴工被甲驟受降濬築修城隍刀
頭不惜千金裝三十六將皆鷹揚故境可容尺地公

子頗自負當風償况復武庫踰書囊惟我與子舊同
鄉友人固自騰雁行更欲揚鞭向驕驕豈但傳經如
卜商不見漢時張子房身總六尺佐時王功業能依
日月光書素一卷初逢黃異時破賊玉書香當使相
繼來西涼時臣稱賀持壽觴鴻鵠一舉橫飛翔光陰
應須及未央不侯可忍點鬢霜少年天子坐建章寵
待穰苴不顧莊嚴兵待時雖未忙點虜授首先有祥
王師會看傳城墻郊迎父老携壺漿去病當時凱樂
張

次韻上呈樗年主簿卿兄 肇

君家晉陵我未方君家易知難復忘十年不見蘭畹
芳青衫翩翩黃白郎我游東南歲月長江流湧山
鬱蒼燭龍東來尾鬣狂烏爪真人坐高堂山中旂利
森戈槍道場法嗣通衡巷大道甚夷車御減獨不進
步誰資糧脫身簿領行澗岡青崖結茅雲繞床飄飄
西墮梁宋傍至今夢想猶高曠矧復約子西城隍瓦
爐梵夾隨行裝形骸土木神遠揚少狂豪氣今則亾
劇談軟語志頗償模寫物象揮錦囊尊前坐我煙靄
鄉君憐駸蹌未着行側身六合悲驪驪即今文學科
卜商赤刀大訓在西房詔書興賢利賓王重闡共此

燈燭光肥羊細肋蟹著黃茭蒲生白晚菘香落月動
影簾帷涼夜如何其未卷觴座間詩陣撼鶴翔卧旗
蓄銳豈遽央我堅孤壘何敢望降幡欲掛月似霜獨
君一掃可得章滔筆力抵卞莊兩虎未粹終不忙
蜘蛛拂面婦有祥便有榜掛北牆南城西寺載散
聚背城借一猶能張

次韻贈無咎學士

幹

毘陵城如金斗方往事歷那能忘相逢童子佩蘭
芳秀發人指誰家郎未幾重見突而長即今不覺秋
蓬蒼戲笑豈復為兒狂追昔必予初登堂詞鋒峭拔

森刀槍器識沉遠包夷羗陽秋寧肯露否臧有子游
學先聚糧相將百里陟岵岡邂逅一挹坐僧床大辯
傾注如無旁天馬方謂先騫驥觀魚誰復駐濠隍欣
期受代垂趨裝當路奏牘交稱揚行將超擢奄云亾
生令志氣不得償傳家豈詫錢一囊諸兒經行名州
御挾書繼踵諸父行旋見天衢飛驪驪論治直要超
周商術卑效淺笑杜房况是亨運遭興王致君紹祖
邦家光何止追考歸焚黃遂庭朝露明芸香異書滿
閣秋氣涼詠歌間成隨豆觴讀之如欲凌雲翔暫迂
大手離未央挈篋來寄深閨霜賓興賢能視文章尊

尚周孔麾韓莊搜竒殆有通夕忙英游疑動聚星祥
我歸復翳環堵墻世味已能如飲漿羲皇上人琴一
張

次韻樗年見貽


補之

平生車軌周四方結交童胤老相忘異哉余子久彌
芳吳人猶記稱周郎河豚入網荻牙長宜興菴畫煙
水蒼風雩春服真少狂不愧戴崇外後堂時王平父
所最厚陵樗原橫戈筆陳倒千槍外鸞獨步禹出羗樗年奏
藝開封第一世儒膠擾何足臧說食不救飢求糧潛思振衣千
仞岡空林無人一繩抹五車純束不在旁欲徹梯磴

升平集
排空驟種山春水繞城隍從師不憚白髮裝矢鋒相
觸塵不揚驪黃牝牡若滅凶子嚴主簿志不償厭見
朱墨紛滄囊西風雲日思帝鄉東華拜勅鳧綴行黃
昏閭闔飛驢驢虛堂節候變金商閉門蟋蟀鳴我房
吾君仁聖周成王屏驅虎豹開明光山龍粉米誰青
黃多儒可贊至治香園檀山石豈荒涼潢汙蘆藻須
巨觴願君與借羽翮翔賢書蠶列升未央君如病鶴
待秋霜牛衣未可悲王章公朝道關五達莊服襄按
節緩勿忙夢松生腹渠不祥莫車上儻應循墻功成
歸飲沆瀣漿發機要若黃間張

宛丘先生文集卷第七十六

老學庵筆記張文潛三子鉅栝和皆中進士第栝
栝在陳死於兵和為陝府教授歸英二兄復過
邊見教文潛遊年後乃衣也





本部书完

宛丘先生文集七十六卷

宋張耒撰

清康熙呂無隱抄本

十冊

共撮2捲 ①卷首至卷49.

②卷50至卷76.

书 号 7041

本片卷含 卷50~卷76